




## ESMAÁTH TAÍBA. SAÍKEL SALOUYA ÓKKOLOR FUÑATI RASTARE CÍAR GORÓ.

Dheraívar: Ze manuíc ókkole saíkel sála iítarare garír rastat kíyal goron mockil ar iítara garír hádesattú hom héfazot take. Tíaíbar age oñnor fissá saíbar aína cek goró. Gúraibar age garír “deha nozade hendhilla zaga” cek goríba, borabor gorí park goríba, ekkan dorza kúlíba yá kontróul sáari diba. Oñnor aína estemal gorar baade yó, oñnor matha gúraiyore saikel sálouya, eskéthar adde skúthar sálouya ase ne saíba zara hase yá hase aiyedde oítfare.

### Saíkel loí rastare cíaar gora baabote mocóra ókkol

- Húñciarir sañte garí salaíba. Saíkel óla loi muamuikka oíle espith homaíba. Ebbe bazíyoure físalí no loíyo. Oñnor garí adde saíkelor maze háli zaga raíba Saíkel sálouyattú oíbode hótara ókkol kíyal raíba ar iítarare zaga díba.
- Saíkel ókkolore maní loíba Saíkel ókkolore garí hísafe étebar gore ar saíkel ókkol garí dhoil ekku rastat sole. Munasef rastar hok doo. Saíkel sálouya ókkolore somóni faraíto esthara comoi doo.
- Kíyal Raikko. Rastat adde somónit saíkel ase ne saíba. Saíkel sálouyar ebbe hase oíle horon no díyo. Tiaíbar adde dorza kúlar comoi saíkel sálouya ase ne saíba.
- Kíyal gorí Faraíba. Faraibar comoi, oñne adde ekzon saíkel sálouyar maze sair futh fak raíba. Ekkan saíkelore farai zaibar age maháfuz rasta adde thrafíkor cortolla entezar goríba. Fissa firaibar age handor ottú cek goríba.
- Baicca okkolor kíyal raiba. Baas woktot saíkelor oure baicca buza nooza. Deha nozadde taibo boli mone goriyoure aste salaiba. Baicca ókkole thrafik or kanun zane boli hoi aca no goijjo. Baiccar saiz hísafe iítarare deha no zaíto fare.

# Saikel sálouya ókkololla mocóra



- Motor garí salouyar ekku dhoilla kanun saikel ollayo solibo. Fotti trafik kontroul dhivais (alamot adde laith) maniba ar tíya adde gúrani buzaibolla áator alamot estemal goríba.
- Rastar dan dhahe sálaiba. Hamica trafikor eki mikka salaiba. Duror dan dhahor rasta estemal goríba. Aste soledde saikel ar garí dan dhahe taíbo.
- Brek. Bel. Laith. Baíkor brek, hóron yá bel adde múmor laith hamgorede ówa foribo,
- Hamica bálagori fithing goíjja helmeth findiba. Helmetor fuñati heth yá mathar eskaf no findibar mocóra diyazar kiyolla hoíle ííne helmetor asórgoráni homai dibo.

- Sinta-babana gori Salaiba. Uzú rastat salaiba ar rasta yá park goijja garír maze no guraiba. Rasta yá somónit gólibar age trafik cek goríba. Hótara ókkol antaz goríba and héfazotilla pozicon bodolaíba.
- Dehazafan gori taiba. Ujjól rong or uldha hoór findiba. Hom foorot samnor cada laith adde hom foorot fisor lal laith estemal goró. Saf dehade yá dehaibar tep yá hoor estemal goró. Motor garí óla loi dehéfan suke suke rabeta raíkkó.
- 1-4 bosor boc óla baicca pesenjarottú lagaiya saikelor héfazoti sííthot soora foríbo. Saikel ot 1 bosor hom boici baicca tulon gair-kanuni.
- Baicca ókkolor kíyal raiba Dekbal gorouya ókkolottú baáre baicca ókkolor fuñati takonsa ar baicca ókkolore baikot soora adde trafik or kanun zanito modot goronsa. Baicca ókkolore hañsar haçar rastat sooribar ejazot diyaza zehon haçoiya ókkolor kíyal raíbo.

